

南陵縣志卷二十六

人物志

忠節

元張國岡任俠好義至正丙申雙刀趙寇縣國岡親率義兵奮戰兵敗被執不屈賊斷其兩膝至死罵不絕口明洪武戊申敕贈忠義將仕郎祀鄉賢清乾隆十五年奉文復建專祠

明吳景字伯陽宏治丙辰進士初授江西奉新令歷任四川僉事發奸摘伏蜀稱神明播州夷酋楊友自置所逃歸其姪宣慰使楊斌奏欲逐之鎮巡官委景勘

南陵縣志

卷二十六 人物

一

處景以國家於羈縻之屬法不盡施順其土俗因其民情苟無大害任之可也其實以取進止時東達等處流賊猖獗巡撫林檄景至軍門贊畫藍鄙就擒餘黨遁入川東歷南川綦江逼江津巡按俞縉以景有才略馳檄委守江津期五日以兵援景馳赴江津在城孱弱不滿百人重以淫雨城東西南三面皆土築崩潰過半景少繕治括城中中丁火夫遊食者得二千人日夜操巡爲守城計諭士民以忠義率大姓刁胡周等約三百人與賊連戰皆捷賊氣沮願就撫景使持牌招之其人懼不敢進委牌於道而逃賊以爲

給已遂擁眾逼城景急出禦之至南安門督眾格戰  
手刃三人賊始退俄賊攻益急援兵不至城遂陷大  
呼曰甯殺我無殺百姓被執不屈死之後四日援兵  
至取屍斂之面色如生江津士民哭之如喪考妣時  
都御史林俊督漢番軍駐鶴山坪賊將夜劫其營至  
佛子崖望見營中火光燭天一人穿紅袍往來指揮  
懼而止次日賊眾自驚有穿紅袍者入其營人馬辟  
易又驚云天崩賊皆昏潰官軍亦夢景穿紅袍略陣  
奮擊大敗賊眾江津士民請立廟以祀之都御史林  
俊高崇熙前後疏其事勅贈按察司副使給葬祭並  
立祠於死所官其子鎬世襲建陽衛百戶後改宣州  
衛百戶參政邵蕢名其祠曰忠義

施所蘊號玉壺農部善教長子以蔭丞光祿寺轉貴  
闕幕權黎平府篆安酋之亂捐俸給餉守禦多方黎  
賴以安未幾告歸崇正癸未流寇掠縣境蘊毅然欲  
糾鄉勇堵拒之莫有應者乃慷慨泣下曰祖宗養士  
數百年竟無一人義勇自奮者寇大至人勸其入城  
以避曰吾家世受國恩義有死耳何避爲乃端坐中  
庭指寇大罵寇叱之跪曰吾膝豈爲鼠輩屈耶寇怒  
刃其膝仆地猶罵不絕口遂遭慘戮子烱甫十二歲

抱父屍哭踊幾絕寇爲感動釋之去巡按御史鄭旌  
曰氣亘長虹

朱懋華字仲弢少孤力學不解治家人產嘗日昃不  
炊枵腹朗誦恬如也崇正丙子舉於鄉癸未成進士  
授浙江定海知縣潔己愛民蒞政甫數月聞闖寇入  
京師明社爲墟乃衣冠懷印望北遙拜自縊署齋其  
生平於經史子集無不貫通爲文高古奇崛死節後  
知與不知皆歎爲不負所學云

按勝朝殉節諸臣  
錄賜通諡節愍

劉大京字君開性孝友忠亮愷摯每讀書見古人節  
烈事輒感慕歔歔曰士不當如是耶值鼎革新令至  
南陵縣志 卷二十六 人物  
三  
家人委曲勸諫不從慷慨就刑時有劉希邁者亦同  
日死

劉永合字符卿崇正末張獻忠破廬州餘賊躡及南  
陵永合糾健壯捍鄉里屯葉家橋賊驟至倉卒星散  
永合被執罵不絕口賊怒截其顱子邑廩生士喬痛  
哭幾絕賊異之舍去尋以哀死

清孫斌字淑獻號鍾山順治壬辰武會魁歷任福建福  
甯鎮遊擊康熙甲寅耿逆反以書招斌斌焚書斬使  
飛報浙撫請兵合討時浙解協餉一十五萬已至福  
界得報急追回叛兵龔盛等圍署刼劄印縛斌獻於

僞都督曾養性臨斬忽有急前呼者曰孫斌緩決留  
候令旨閱五日耿逆令解斌至省親勘責以三大死  
罪斌抗辭不屈惟願速死耿逆怒令僞都尉嚴加鉗  
欵看守鐵佛寺中八月耿逆傳斌至密室解顏慰勞  
令設謀取浙江江西得一即以爲總督斌瞋目不答  
耿逆愈怒揮出陰令僞兵曹王于玉私探問終無一  
語耿逆知不可奪發置興化鹽倉看守羈省及興化  
凡二年丙辰九月耿逆密約海寇至其帥許一鎮者  
授斌鎮銜使守烏龍江不從令爲監軍道又不從乃  
令隨軍行走不得暫離斌一夕逃歸語妻胡氏曰如

事急自爲計我去延平請王師圖收復矣胡曰君去  
毋以我爲念此階前井乃我母女畢命處也是夜斌  
與僕張祥逃去至背嶺山追卒至強之回不可挺杖  
交下推墮峻崖血肉淋漓不復能聲張祥解衣覆之  
追卒懼無以繳令覓板扉舁至興化僞帥將殺之僞  
興明伯爲之解得不殺腰肋皆折臥不能起者半年  
丁巳春王師下興化斌負痛扶杖謁軍門解衣請驗  
康親王令發浙督查報斌至衢州浙督李慰諭暫歸  
醫治存案候題己未入都自具通本述始末庚申浙  
督覆疏兵部議敘加一等奉旨從優以副將用適西

蜀初平遂以副將管夔協副將事譚逆宏復據夔關  
斌倍道疾馳譚逆潛遁以功加三等授都督同知誥  
封榮祿大夫胡氏封一品夫人曾祖以下如其官甲  
子四月聞繼母曹在籍病故痛不欲生求解任丁憂  
詔特許之己巳以疾卒於家武職丁憂自斌始

以上舊志

清王柏子性友愛事兄謹咸豐三年與兄文柱同充義  
勇時粵匪犯境率眾殺賊兄弟先後被執均不屈罵  
賊死奏准入祀忠義祠

何士偉號伯英國學生精醫理遇孤貧有疾者急爲

南陵縣志

卷二十六 人物

五

診治不取診金咸豐癸丑粵匪入境被執不屈死一  
家大小二十餘人同日殉難無一免者

潘孟懷咸豐三年匪至被執逼之降不從復罵之賊  
怒剖腹剜心以爲食復割其肉以燃燈亂平忠義局  
彙報題准入祀忠義祠

汪廷珍庠生好讀書有氣節咸豐三年被執不屈賊  
殺之將就刃朗誦文信國過零丁洋詩人生自古誰  
無死留取丹心照汗青遂遇害

何廷魁字星其任廣德州千總咸豐三年奉札調守  
小孤山陣亡奏准入祀忠義祠同治十三年奉文賞

給世襲雲騎尉

牧倓字竹田咸豐三年粵賊陷金陵回竄安徽蔓延各州縣蕪湖繁昌銅陵尤爲賊出沒之區南陵接境三縣爲府西屏藩所居牧家亭最當衝要方是時民畏賊甚莫敢團練觸賊怒倓獨與兄貢生僑弟佺俊四人慨然召其族人曰我牧氏於江南非顯姓也誓將殺賊立功以顯吾族萬一不幸遘難亦足以愧諸大姓之畏賊者吾族不從此著乎衆皆曰然倓與俊遂三次率勇往繁昌剿賊皆以功得六品銜自是牧氏一族團練著於江南而賊銜之甚四年十一月一

南陵縣志

卷二十六 人物

六

日賊自繁昌分三路進攻南陵倓督勇助邑令城守賊至焚西門令及在事諸人開他門出走倓率勇於西門殺賊數十人中鎗身死越五日賊自赤沙灘率衆攻牧亭佺與俊方糾族人抵禦而繁昌僞官某率衆助賊賊衆大至族勇潰牧氏一村二百家俱燬於賊奏聞倓以陣亡例賞給世襲雲騎尉並准祀忠義祠

牧僑字友山拔貢生浙江試用直隸州州判咸豐癸丑粵匪犯境遂佐弟倓糾衆禦賊所向有功皆僑指授方略之力也先是僑奉欽使侍郎雷以誠召往揚

州既往廬州謁撫軍歷陳江南數郡情形請兵不可得將歸梗於道留舒城得家書知倓等殉難狀遂入營以積勞成疾卒嗣奏准賞給鑾儀衛經歷並廕一子以縣主簿用僑生平篤好文學著有餘園二十四種及天寄廬詩集

張榜字石卿性剛直咸豐四年賊已入室榜不爲之動復正其衣冠端坐堂中罵賊不休遂見殺

張志剛字道全氣力過人復有膽智咸豐五年倡辦民團防堵粵寇粵寇騷擾需索頻仍民資已竭剛以爲剜肉醫瘡無裨於事不如糾眾一戰乃率練勇百

餘人各持器械銜枚急走是夜將匪前營殄滅無遺至曉賊聞警報即領大隊來聲言必盡屠居民始洩其忿民懼甚剛挺身而出厲聲曰倡此謀者我也殺我足矣賊義之勸降不從引頸受戮至死顏色不變王繼連咸豐五年粵匪入境被執不屈賊以絮被裹之焚死

劉世晏咸豐乙卯賊既入室晏禦之眾寡不敵竟爲賊殺至死罵不絕口賊復焚其屍

劉開盛字燮和咸豐乙卯粵匪過境被脅不從引頸受刃死同治六年奏准崇祀忠義祠

劉開湖字正廷咸豐乙卯以進勝勇剿賊臨陣炮傷死

崔克振咸豐間粵匪犯境振充當練勇防堵至咸豐六年六月初六日力戰羣賊死於雙股橋

戴廷幹由武舉拔補太平縣把總咸豐六年賊竄太平縣境廷幹督剿白沙嶺斬馘甚多賊眾至陣亡旌

### 卹祠坊

劉二有字行瑞咸豐六年粵匪犯境被擒迫令合眾攻城二有不可賊怒以刀刺之血流如注死

劉夢麟字名遠邑增生性耿介不屑與世浮沉咸豐

### 南陵縣志

卷二十六 人物

八

六年粵賊犯境村人皆驚走麟著衣冠獨坐室內賊至責以大義賊感其誠亦不敢犯歿後題准崇祀忠義祠

鍾茂林字其梅咸豐六年粵匪犯境茂林倡辦民團屢次防剿七年賊大股至相持月餘隘破同子宗發及團勇五十餘人均陣亡奏准崇祀忠義祠

鍾宗發字勝裕咸豐七年父茂林奉札團練率眾出境剿賊力戰死發以救父而往亦被殺

何瑞禧字在川國學生咸豐間倡辦民團防堵民賴以安丁巳粵匪數萬至境勢如破竹禧身先士卒寡



不敵眾受重傷死

何國儉字金華有勇略咸豐乙巳帶勇禦賊屢建奇功地方得以安甯者數載後賊大股至力不能支遂陣亡

何銘三國學生膂力過人咸豐丁巳充練勇遇粵匪戰眾潰銘三爲之殿力盡中數創死

牧成英字豐年咸豐六年粵匪入境成英充義勇率眾禦賊不避鋒刃由是賊不敢近七年出境剿賊戰於銅陵鳳形岡陣亡

南陵縣志

卷二十六 人物

九

十一日率子泰蒼及義勇百餘人在牧家亭禦賊戰敗父子俱歿

俞登鰲字會英號宗洛咸豐七年殉粵寇難同治七年奏准崇祀忠義祠

李天功字建侯由軍功倡辦民團防堵咸豐八年糾集義勇出境禦賊陣亡於黃池鎮奏准崇祀忠義祠世襲雲騎尉

楊家盛咸豐八年三月初十日賊至被擄迫爲鄉導搜取民間財物不從見殺

潘蔭震業儒咸豐八年匪至被獲逼令引導剽掠不

從遂受刃死

史士彰咸豐八年被匪擄至楊家埧門迫令服役不從殺之

陳守風膽力過人咸豐八年在蕪湖繆家塋被圍賊眾以矛刺之風以兩臂夾矛矛斷賊愛其勇勸之降不從復罵賊怒抽刀貫其耳血流如注死

陳德潤咸豐戊午匪至被執逼引覓糧不屈殺之奏准入祀忠義祠

章尙堦咸豐戊午粵匪入境被擄勸之降不從死之奏准入祀忠義祠

南陵縣志

卷二十六 人物

十

李清廉字祖圖業儒咸豐八年匪至被執勒令搜羅壯士充當匪黨不屈死於賊

潘春水咸豐戊午充練勇禦賊戰死

程立水咸豐八年匪至被擒守義不屈賊殺之

董智黃字亮臣咸豐八年粵寇由南邑上犯徽州智黃被獲賊以路迷逼爲鄉導不從遂見殺

葉嘉謨國學生咸豐八年匪至被執知不免竟赴水死

徐宗元咸豐八年充當練丁防堵賊至戰敗不屈賊殺之復以火焚其屍

夏永清廩生品學兼優爲吾邑儒林之望家居教授垂三十年遊其門者多成名而去咸豐間粵寇犯境乃會同紳耆籌款設局倡辦民團防堵戊午巨匪突至率勇與戰眾寡不敵知不能免遂自殺同治間奏准入祀忠義祠

姚汝鴻字用賓縣學生咸豐十年冬官軍撤防賊踵至被執勒令按戶輸款汝鴻知不可逃作詩數首以明志夜赴水死同治四年奏准入祀忠義祠

秦光祖字秀珍咸豐戊午粵匪入境被執勒令領眾按戶抽捐是時民不聊生死亡相繼光祖知民間疾

南陵縣志

卷二十六 人物

十一

苦堅執不允賊督益急遂投大港而死奏准入祀忠義祠

秦文元字致中咸豐戊午匪已入境村民盡逃文元坐誦一室不爲動及賊至猶不起賊怒其無禮備受慘刑而死

經薊如邑庠生成豐八年被擄與母失散者踰月思親情切黑夜潛遁未幾復被執賊怒立斬之

汪君耆咸豐八年被執於匪逼降不從遂投門前塘中溺死賊復以鎗亂刺之

劉世旺字茂盛咸豐戊午城陷被執旺年七十有三

守義不屈賊殺之

朱大進咸豐戊午粵寇大至倉卒殉難妻亦自焚死  
朱成學咸豐戊午粵匪至率眾擊賊保衛地方被傷  
殞命奏准崇祀忠義祠

朱成三成豐戊午粵寇入境罵賊被殺

陳岳雲字德海咸豐八年倡辦民團防堵粵匪犯境  
率練勇禦之不克被殺

徐壽昌咸豐八年充當練長領義勇百餘人赴三里  
店殺賊力盡陣亡奏准入祀忠義祠

王寬宏少有膽智咸豐間粵匪犯境大肆蹂躪寬宏

南陵縣志

卷二十六

人物

十二

充練長指揮督率眾禦賊於牧家亭擒匪黨十數由  
縣申詳提督鄧批准賞給六品軍功九年匪數萬犯  
境力戰陣亡奏准崇祀忠義祠

王瓊玉驍勇有膽識咸豐間粵匪入境居民遭其蹂  
躪者慘不忍觀瓊玉乃糾合練勇數百人與賊奮戰  
生擒賊黨多人事聞提督鄧賞給六品軍功以示鼓  
勵咸豐九年賊大股至竟以禦賊陣亡

牧德暢字春標咸豐八年充當練勇防堵民賴以安  
九年正月匪眾萬餘人犯境與之力戰陣亡

王皆幹附貢生成咸豐九年粵匪犯境皆幹任團長領

眾禦賊被擒賊懸梁拷問地方殷實幹對以不知惟家中貲財任其搜括而已賊怒以刀斷索傾跌死孫天祝咸豐間粵匪入境祝充義勇驍健絕倫常與賊遇戰則必克賊聞風遠遁不敢覬覦由縣詳准賞給六品軍功九年賊大至戰死同治六年題准賞給世襲雲騎尉並崇祀忠義祠

孫高林咸豐間充當練勇膂力過人常隨練長出境剿賊至青陽銅陵等處屢擒匪黨而回九年賊大股至居民無不驚恐高林挺身奮鬪不稍却血戰陣亡奏准崇祀忠義祠

奚能寬咸豐九年匪至被執勒令充百長搜掠民間財物不從投水死

梅廷彥名松竹字友三庠生咸豐初粵匪犯境時陶士霖督辦團練延廷彥爲之管理其父紹周更捐錢百串助其開辦九年城陷賊犯西河鎮被執賊索其手書招安練勇彥不答賊怒斷其指復殺之其父往視賊覺獲之剗其目旋亦見殺同治三年以父子殉難奏准入祀忠義祠

何顯海咸豐己未粵匪入境被執勒令從役不屈賊怒殺之

夏慶餘咸豐甲寅粵匪犯境協助練長夏永清籌辦民團防堵己未巨寇羣集與戰失利被擒迫之降不從復加以酷刑餘守志益堅遂引頸受戮

汪玉昆咸豐間洪楊犯境居民驚恐陶士霖督辦團練親至各鄉勗以忠義玉昆聞言感泣遂與胞兄弟三人並進勝勇奮力禦賊所向有功咸豐九年賊大至火燒民房不可勝數玉昆糾合練勇殺賊往剿多次負創極重後復與賊力戰而死營長梁爲收其骸骨葬之

陳三美務農咸豐初陶士霖督辦團練三美隸麾下

南陵縣志

卷二十六

人物

十四

陶時以大義訓勉愈加忠奮七年賊至焚燒擄掠三美憤甚同汪玉昆併力殺賊輒獲勝利九年賊大至與戰不克陣亡

葉匯西字漢章號濟川邑增生性耿介咸豐己未粵寇犯境迫令隸麾下作參謀匯西守義不屈卒被殺陶宏蓮字長貴咸豐九年粵寇犯境居民逃竄蓮率練勇禦敵不克死

何子臘字東美咸豐九年被擄逼降不從反辱罵之賊怒以亂刀戳死奏准崇祀忠義祠

陳錦章咸豐九年由官軍營中回里省母途遇粵匪

攻擊被殺

李元如字盛豆咸豐己未賊犯城南率眾禦敵力盡陣亡奏准崇祀忠義祠

朱崇義咸豐九年率族人剿匪不克被殺

王啟林咸豐九年匪擄至宣城紅楊樹不屈殺之

經蕙培邑庠生成豐九年被執脅降不從投水死

劉開治字彩榮咸豐己未充義勇團練丁率眾禦賊力竭死

朱標字南乙府學增生以孝義貞廉爲鄉里所推服咸豐二年保舉孝廉方正四年奉大府諭帶勇屢著

戰功五年倡辦團練提督鄧紹良嘗稱爲南陵好義急公第一人九年三月賊犯境標率勇迎敵受重傷墜馬噴血死弟大受五品軍功灼郡庠生子沛膏均禦賊陣亡弟大佐妻謝氏灼妻賈氏子學周妻嚴氏俱以賊入城投水死弟有祐妻陶氏有美妻汪氏從子天鑑天慈天材天林天富天潤女蓉娣瑞娣貞娣孫運時孫女春芹從子天淦妻黃氏天鑑妻林氏從孫運松運柏運長運庚運梅運槐從孫女春香和娣春韭春蘭春蓮春菊春鳳春海春珠三十餘人皆破城時殉難同治四年標一家經督憲李彙案奏請旌

卹嗣准予建立專祠專坊朱標朱灼并各給雲騎尉世職其餘亦旌卹如例

朱灼字柳堂標弟郡庠生六品軍功灼饒有膽識咸豐十年九月粵匪犯城帶練禦敵力戰受傷死奏准從優旌卹入祀忠義祠並給雲騎尉世職

朱大佐字廷輔標弟五品軍功性素孝友爲一邑表率咸豐初奉諭督辦團練防守縣城九年九月二十三日以積勞成疾卒於團防局奏准崇祀忠義祠

吳華章從朱標爲團長咸豐十年十月五日賊至力竭與妻林氏投水死子春玉被害又同時團丁張時

中受傷捐軀妻戴氏不食而死同治四年奏准給卹並入祀忠義祠

姚宏祖庠生性倜儻尙氣節咸豐庚申之亂匪至被執脅其充司文牘義不爲屈賊殺之至死罵不絕口李泰慶庠生博學能文咸豐十年賊大至蹂躪各村居民驚恐時泰慶充團長遂率精壯練勇迎擊殺賊十餘人俄而賊援漸眾勢不敵被執慶罵不絕口賊怒殺之同治六年題准崇祀忠義祠

楊墨香咸豐十年投効大營充勇伍委守斥堠被匪擒獲殺之



劉科順咸豐庚申粵匪突至被擒不屈死之

文克振字樂只號去非附貢生成咸豐間粵匪擾境帶  
練防堵十年匪大股至督率團勇拒敵不克死奏准  
崇祀忠義祠

張培基字錦標武生倡辦民團頗得眾心先以兩次  
賑濟黎民感德故每與賊遇士卒用命粵匪嫉之愈  
深咸豐十年匪復犯境力敵不克死之

張永青性果毅咸豐初粵匪圍城帶練助守忍飢不  
去十年冬月楊岳斌援兵至救出難民萬餘尋復城  
陷民遭慘死永青亦被執不屈竟殉難

文培基字有之太學生性慷慨見義必爲咸豐初糾  
合練勇防堵屢建奇功十年匪眾數萬犯境基迎擊  
失利陣亡妻吳氏聞之遂以死殉

許圖春咸豐十年賊匪大至城陷被執與妻楊氏同  
時殉難奏准崇祀忠義祠

陳正剛咸豐十年粵匪犯境避至宣城桃源團王家  
村被擄不屈死之

梅孝范字玉春業儒咸豐十年賊破西河鎮被擄至  
竹隱寺勸之降不從殺之

王團香性豪邁咸豐十年粵匪擾境領眾禦賊被執

不屈死奏准祀忠義祠復獎以深明大義扁額

吳九華字生林咸豐庚申賊至擄其父九華赴賊營請代賊殺之乃釋其父

李位侯字志分業儒咸豐十年城陷粵匪出令安民按戶派費限七日交納苦無所出致違令見殺

徐錫全字達周咸豐間粵匪入境陶士霖督辦團練全慨然應募以破賊有功統領陳大富保獎五品頂戴十年賊大股至全率練勇數百人往剿力斬數人賊眾膽懾適雨霾暴作賊眾趁勢劫營全驚起猶能力戰終以不得出圍全軍殉難

南陵縣志

卷二十六

人物

十八

王茂青咸豐十年被賊擒厲聲痛罵賊怒殺之

謝百芳字一順咸豐間充城守營卒咸豐十年城陷與賊巷戰死

潘浩源庠生成咸豐十年城陷賊軍安民逼源爲百長按戶派費浩源故違賊令見殺

程維坤業儒咸豐十年城陷被執勒令負重力不能勝見殺

程維生與其族人立才立春俱充營卒咸豐十年臨敵陣亡

周功臣咸豐十年匪至被擄至老村橋脅令服役不

從殺之身首異處見者無不愴然

方學范字夢桂武生成豐間帶練保衛地方號進勝  
勇屢著勳績十年賊大股至力戰不克遂殉難

程志茂字錦春少孤事母至孝成豐十年匪至殉難  
沈朝培字旭靈成豐十年粵匪大至培襄辦團練防  
堵禦賊有功賞給六品軍功後以迎擊失利陣亡

朱明卿成豐間充當練長率眾防堵十年賊大至迎  
戰不克死之

章人好字聯芳成豐庚申年正月十七日賊至被追  
投清弋江馬頭河內死

南陵縣志

卷二十六

人物

十九

戴文貴字均貴成豐庚申粵匪入境守志不從往避  
山中不食而死

張正元字復初成豐庚申賊至殉難

胡懷玉邑庠生成豐十年粵寇犯境被執脅降不從  
復誘之以爵義不爲屈賊怒殺之

秦北海字待清業儒成豐十年賊至被擄命書旗幟  
北海臨書時潑墨汚旗賊怒殺之同治六年奏准入  
祀忠義祠

秦湘字昂若業儒屢試不售成豐十年粵匪犯境被  
獲命爲書記不從殺之奏准崇祀忠義祠

黃慶同咸豐間粵寇犯境慶同在七都鍾倡辦團練防堵十年賊大至率眾禦之不克死

劉宏飛咸豐庚申賊至城陷飛不爲屈賊以石磨壓死

陳兆昌廩生性孝友咸豐八年粵匪犯境奉札辦理軍精頗著勞績奏准賞給六品頂戴十年冬城陷兆昌以母柩在堂不忍遠避遂被害後入祀忠義祠

劉世問字榮華性剛直咸豐庚申被擄不屈死  
劉運鸞字赤城粵匪犯境練團籌餉怨勞備任咸豐庚申匪大股至血戰陣亡

劉世英咸豐庚申入營投効隨陳帥大富領兵至境解圍去又隨軍轉戰遇賊力戰死

王明舉咸豐五年春粵匪稍退官兵入城時災黎滿目明舉力助賑濟陳帥大富一見甚器重之卽委辦捐輸並捐穀事不辭勞瘁歷五年如一日至咸豐庚申十月僞翼王兵復來攻城官兵力不能支城陷被擄不屈死

張芳盜字榮芝增生爲人正直不尙紛華咸豐初粵寇犯境倡辦民團有功保獎五品頂戴庚申城陷被執勸降不屈遂遇害同治十一年奏准賞給世襲雲

騎尉並崇祀忠義祠

張集明字文有成豐庚申殉難同治十一年奏准崇祀忠義祠

張殿魁咸豐庚申冬月粵匪犯境襄辦團練屢著勞績城陷被執誓死不從賊殺之於城南李家鎮同治十一年奏准崇祀忠義祠

朱金鑑字金鎔襄辦團練屢著勞績賞給八品軍功咸豐庚申九月二十日領眾禦賊不克遇害奏准入祀忠義祠

朱培源八品軍功咸豐庚申粵匪犯境負母逃至中

南陵縣志

卷二十六

人物

二十一

途遇匪不屈死奏准崇祀忠義祠

汪崇來暨弟崇板充當保護局練勇咸豐十年匪首領眾十餘萬突至崇來兄弟隨眾禦賊力不能支俱陣亡

陳功成持身正直取與不苟咸豐十年粵匪犯境邑侯舉成辦團籌畫防堵事宜擊賊屢捷保獎五品頂戴嗣匪大股至力戰陣亡奏准崇祀忠義祠並賞給世襲雲騎尉

陳永修天性孝悌精騎射膂力過人咸豐六年粵匪逼境充團防哨長訓練士卒無間晨昏每與賊遇必

獲全勝以勞績賞給六品軍功十年匪大至以刦寨被擒不屈殉難同治十一年奏准崇祀忠義祠

陳熾昌性忠厚非義不取咸豐十年粵匪陷城守義不屈賊囚之防閑甚密無計脫逃憂忿成疾死

俞欽字合念太學生咸豐庚申粵匪至殉難同治九年奏准崇祀忠義祠

丁瑞萬字禮輝咸豐十年粵匪犯青弋江被執不從見殺於青弋江街市

姚文會咸豐庚申殉難由縣彙詳題准祀忠義祠

張賢掌字瑞珠咸豐辛酉粵匪陷城被執逼其服從

南陵縣志

卷二十六 人物

二十二

不屈而死

姚文科監生自賊竄皖文科倡率團練從官軍解圍者數次又屢收復鄰縣咸豐十年十月官軍撤防文科料賊必至遣子森儒隨營投効已而賊果至被執不屈受重傷自縊妻袁氏聞之亦自經同治元年旌並入祀忠義祠

許達縣學生咸豐十年十月遇賊於七里圩脅之不屈一躍入河至死罵不絕聲同治二年旌並入祀忠義祠

張翔字芳靈庠生好讀書能明大義辛酉城陷被擄

勸之降不從遂殉難

李泰仕庠生成豐辛酉糾集進勝勇出境剿賊血戰  
援絕被執不屈死奏准賞給武德騎尉並崇祀忠義  
祠

張楷字仲卿國學生成豐間充任練長禦賊有功賞  
給六品軍功成豐十一年賊至被執身中六鎗而死  
鍾序朝字治尊成豐間倡捐巨款設局團練招募里  
中丁壯充當練勇以爲防堵十一年禦賊出境被執  
勸降不從死之

徐天貺道光末壽登八旬覃恩粟帛成豐辛酉粵匪  
犯境不屈死之奏准崇祀忠義祠

陳歡有咸豐十一年冬粵匪復至將入境歡有率勇  
相拒勢不支眾皆遁歡有力盡投水死

張聖楨字必獻咸豐十一年十二月二十五日粵匪  
復至被擒不屈殉難奏准崇祀忠義祠

葉克赦字棟元性孝友爲人正直端方成豐辛酉粵  
匪入境不屈殉難年六十七奏准崇祀忠義祠

葉承禮字清發號松如克赦子成豐辛酉粵匪犯境  
被執聞父爲匪殺不勝悲泣賊復脅以從役拒之賊  
怒竟斷其舌死

程際便號得珠咸豐十一年粵匪入境便被執不屈罵賊賊怒支解以死

張時遇咸豐十一年大股匪至與戰不克被執懸樹上焚死

張明愛咸豐十一年出境禦賊追匪至河畔愛大聲急呼一匪傾跌入河嗣匪大至不敵被擄至李氏祠釘四肢於門剖腹死

朱必寶咸豐十一年見匪殺其母乞救不從必寶慟哭號呼辱罵不已賊怒殺之

李洪光咸豐十一年被粵匪擄至青弋江鎮逼其降南陵縣志

卷二十六 人物

二十四

洪光罵賊不屈遂被殺

沈茲奎字鑑文業儒工書屢試不售咸豐十一年粵匪入境茲奎被執辱罵不已致受鞭撻而死

陳元豐字家壽咸豐十一年倡辦民團以討匪爲己任及戰眾寡不敵被殺

朱其祥字發茂咸豐十一年粵匪入境被執逼降不屈死之

朱建有咸豐間剿匪有功賞給五品軍功十一年殉難奏准崇祀忠義祠

王渠成國學生咸豐辛酉年八月督率鄉團防堵擊



賊失利爲亂軍所害遺其尸後取衣冠葬之奏准崇祀忠義祠

劉世像字秀年咸豐辛酉被擄不從遂見殺

葉宗保字孝稱咸豐辛酉粵匪犯境率眾遇賊於祿嶺山陣亡奏准崇祀忠義祠

葉金魁名金標字蔚然咸豐辛酉粵匪入境奉諭委辦鄉團防堵匪至率子姪驅賊於祿嶺山眾寡不敵俱亡於陣奏准賞給世襲雲騎尉並崇祀忠義祠

葉鍾林字炳元邑庠生成咸豐辛酉隨父金魁帶練禦賊於祿嶺山不克陣亡

南陵縣志

卷二十六

人物

二十五

葉鍾秀咸豐辛酉隨其叔金魁禦賊於祿嶺山不克死奏准崇祀忠義祠

葉培喜字榮喜號華廷咸豐辛酉禦賊於祿嶺山陣亡奏准崇祀忠義祠

劉開曜字東華恩貢生候選教諭學養兼純言笑不苟咸豐初在郡城置別墅日與名士往還切劘道藝俾後進得聞緒論知所趨向未幾粵寇至遂從容殉難

葉宗元字占先咸豐初洪楊之亂繼以歲饑乃開倉發粟賑濟貧乏奏准賞給忠義世家扁額並崇祀忠

義祠

張克鬧咸豐間粵匪犯境被執不屈死之

何顯茂咸豐庚申粵匪入境統領陳大富奉札帶兵往剿茂願投効陳見其雄偉有膽氣留爲親卒因禦賊有功保獎五品銜後隨軍至廣德遇匪於路匪以亂刀戳之血流至足死

楊漢文國學生西鄉十三四都人咸豐間洪楊入寇騷擾地方居民無時安息漢文倡辦民團糾眾禦賊被執不屈死奏准入祀忠義祠

楊漢文庠生南鄉箭樓底人素有膽略好騎射咸豐間粵寇犯境漢文挺身而起助練殺賊賊眾漢文無懼色遽操刃入陣力殺數人俄被執遂遭慘死

秦自先咸豐間粵賊擄至西河鎮勸之降不從竟遭慘死

孫國茂業儒咸豐間匪至被擒逼充記室不從殺之至死罵不絕口

汪大柏字長春咸豐間粵匪犯境柏以便捷充義勇屢覘賊出沒以爲進退卽與賊遇奔走如飛賊追之不及數日後賊率眾數十人自西來柏大聲疾呼村民得以逃遁全活甚眾俄伏賊東起前後受敵柏無

所逃遂遇害

徐鳳詔字明登道光戊戌歲貢丙午考授教職屢與鄉薦不售咸豐間粵匪入境守義不屈死

孫泰貴有膂力咸豐間奉親避亂遇賊中途奮勇抵禦脫親於難嗣以眾寡不敵身被數十創死

奚能拔字學周性耿介咸豐間粵匪犯境遂率鄉人數百各操耰鋤禦賊賊勢洶湧鄉民臨陣脫逃者大半拔不爲之動猶復奮勇直前竟以勢窮力竭被執不屈死

陶榮廷業儒性耿介咸豐間匪至被執逼以從役榮

南陵縣志

卷二十六

人物

二十七

知不免乃罵之曰汝輩不義妄殺生靈皇天終不佑汝豈有讀聖賢書者而復助汝爲虐乎賊怒揮之以刃血如泉湧立斃

胡暉吉字瑞徵郡庠生生平好施與道光間創修廟宇助賑水災一鄉受其惠咸豐間匪至復行解囊助費設局防堵賊覺被逼死之

梅孝有咸豐間充列練勇隨練長梅廷彥領眾禦賊賊敗走追至繁昌三山鎮被擒賊愛其勇勸之降不從見殺

王嘉謫字多士咸豐間匪至被執逼以賤役不從殺

之至死顏色不變

王嘉鸞字殿臣太學生咸豐間糾集練勇防堵禦賊屢勝以功獎五品軍功賞戴花翎後於雞子嶺禦賊力竭陣亡奏准崇祀忠義祠

張佩容咸豐間粵匪至被擒勸之降不從殺之

林泰鯉字龍標武庠生有膽力咸豐間在戴家匯帶練擊賊衝鋒陷陣援絕力盡死之

韋高炳字步蟾咸豐間充當百長領兵禦賊臨陣不克慘死

程維永咸豐間粵寇入境其母被執赴營求救遂見南陵縣志

卷二十六 人物

二十八

殺 程維合成咸豐間賊至被獲罵不絕口賊怒剖其腹慘死

徐醴字泉之附貢生品學純粹人多器重之咸豐間匪至被執令司文牘醴大笑賊復脅之以威醴勃然變色曰速殺我賊見其不屈以刀授之遂自刎死

董仁杞業儒屢試不售年八十粵匪至被執不屈死同治六年奏准入祀忠義祠

何忠仁字大章咸豐間賊至被擒迫令隨眾擄掠以爲鄉導不從賊怒鞭撻之仁知不免投水死

潘泰華性篤實有勇力咸豐間粵匪犯境總兵陳大富統眾守城泰華偕其弟林華投効大營屢建奇功後賊大股至城陷兄弟二人猶死守寶應門被執不屈賊以亂刀戮之死

徐永泉氣宇軒昂咸豐間身被賊獲勒令負重力不能勝怒罵賊被殺

朱桐江邑庠生成豐間粵匪犯境被擄不降遂殉難朱學雲邑庠生洪楊之亂自以文弱不能禦敵寇至懼執自縊死

戴花林咸豐間寇至被執甯死不降賊怒以亂刀砍死

南陵縣志

卷二十六

人物

二十九

葉成名粵匪至被擄誓不從役甘心受刃死奏准崇祀忠義祠

葉有效字先達粵匪至帶勇追擊被擒脅降不可卒赴水死

吳義大成豐間粵匪至被擒至夜防疏復逃遁未幾又被執賊怒其反復無常不與飲食復鞭撻之數日死

於道謙字榮章粵匪至被擄誓死不從復加以鞭笞謙罵不絕口賊斷其喉而死

葉克榮字茂華質樸知大義咸豐間寇至負母而逃  
晝伏宵行覓食以啖母中途遇賊被執賊疑爲諜探  
殺之奏准崇祀忠義祠

汪日陞字指高業商咸豐間遇匪被執欲逃不得乃  
詭言前村有巨家引賊索取財物及至村人齊集持  
械以逐之指高遂得逃脫未幾又被賊獲殺之

汪國寶咸豐間粵匪至脅降不從擄至北門外半邊  
街殺之奏准崇祀忠義祠

汪長泰粵匪入境被執迫令從役不屈見殺於本村  
東邊灘

陳治林咸豐間身被賊擄至死不屈奏准崇祀忠義  
祠

朱時貴字貴榮咸豐間粵匪入境被執不降賊殺之  
全家殉難

朱時陽咸豐間粵寇犯境充當練勇擊賊受傷死  
王士奧咸豐間充當進勝軍練勇出境禦賊賊敗士  
奧追擊至和州與賊復戰不克投水死奏准入祀忠  
義祠

王士輪庠生匪至被執迫爲記室不從殺之  
盛正彥國學生至性過人咸豐間粵寇入境值天寒

隻身負母逃至河邊不及覓渡涉水而過凍死河畔  
母亦哭子而死同治六年奏准崇祀忠義祠

汪代學字學元邑庠生粵寇至被擄不從賊欲殺之  
代學神色不變顧相謂曰士之不愧爲士者以其知  
節義也與其屈節而生不如守義而死遂以頭觸柱  
腦漿迸流而歿

徐朝獻性耿介咸豐間辦理團練防堵匪至督勇殺  
賊陣亡奏准賞給世襲雲騎尉並崇祀忠義祠

徐文彬五品銜候補千總咸豐間粵匪犯境率領民  
團剿賊失利死奏准崇祀忠義祠

王名標例貢生成豐間粵匪擾境圍城數月督率團  
練防堵適軍糈告匱被脅不屈罵賊投河死同治四  
年奏准入祀忠義祠

張芳泉號左源邑廩生好讀書咸豐間粵匪至倡辦  
保護局糾集團勇助官兵守城及協鎮陳大富兵退  
城陷遂被擒匪見其氣宇儒雅知爲績學士待之以  
禮防範遂疏尋乘間逃回舊縣無一相識遂貧困飢  
餓而死同治十一年奏准崇祀忠義祠

何玉麟號時沛咸豐間洪楊之亂殉難奏准崇祀忠

義祠

陶家士字國儒咸豐間粵匪擾境迫令家士代索民間財物乃怒罵不屈投水死

王向宸邑庠生成豐三年洪楊亂起佐族人寬宏糾眾敗賊而擒獲多名皆向宸所決策事聞提督鄧賞給六品軍功嗣愈知忠奮加意防堵民賴以安咸豐末匪數萬至境血戰陣亡奏准入祀忠義祠

孫志邑庠生爲人慷慨有膽智咸豐間洪楊入境志倡辦民團糾集二三四兩箇子弟充當練勇日夜訓練賊聞風遠遁民賴以安咸豐末匪眾數萬至志領眾與之戰突入陣殺數人俄以援絕陣亡奏准崇祀忠

南陵縣志

卷二十六

人物

三十二

義祠兼賞給世襲雲騎尉

孫魁士國學生咸豐間粵匪犯境士率勇迎擊所向有功事聞賞給五品軍功魁士愈加忠憤竭力防堵咸豐末匪眾數萬南下所過皆墟倉猝犯境士力不能支血戰死准崇祀忠義祠

汪弼魁與弟應魁素友愛粵寇入境弼魁及弟皆被執至夜防稍疏相與逃遁賊驚覺即持刃追逐弼魁知不能免縱弟去以身當賊被殺弟得脫

汪大做字有爲粵寇至其父被擄大做往探亦被擒賊見其身軀雄偉勸之降僞允之與父逃歸數日後



路遇前賊責其反覆殺之於途

張大祥同治壬戌避粵匪至繁昌鶴山復被匪圍祥獨奮然迎敵以保衛同難爲己任力不能支被殺

戴福全字士敏國學生粵匪圍城軍糧不繼福全提倡邀同守城陳大富向劉王張戴四姓磋商劉王等各助銀一千兩又自捐銀一千兩且曰當此亂世坐擁千萬金非惟賈禍亦適以資寇也時咸服其言同治壬戌賊復至殉難城中

時昌諧字增高咸豐辛酉粵匪擾境又值歲荒昌諧爲親負米於數十里外中途遇匪格殺兩人羣匪麇集圍之數重身不得脫遂死

吳成周同治元年冬月匪至擄掠鄉村財物周不能平率眾擊之力盡被執牽至西土地廟旁綁於大楓樹上以亂刀戳死妻陶氏得悉亦赴水自殉

方敦水同治壬戌充當營卒出境禦匪戰敗死

俞琥字文蔚同治元年粵匪犯境捐軀殉難九年奏准入祀忠義祠

劉芝字介封由監生保至江蘇縣丞咸豐癸丑辦理本邑民團獎叙五品軍功賞戴藍翎其先吾邑軍糧皆仰給於浙省至庚申賊眾圍城浙省糧道絕勸捐

助餉亦復不足遂突圍出運糧而返民乃得全同治  
壬戌蘇撫飭辦軍米有功保以州同補用未幾卒於  
營以積勞病故例追贈鑾儀衛經歷銜並廕一子以  
縣主簿候選

方學林同治癸亥粵匪甫平餘黨未盡林與族人學  
春忿其擾亂併力迎擊俱被殺

方學菊業儒同治癸亥爲粵匪所執逼以隨同剽掠  
菊以力弱不從遂遇害

葉書芸監生成豐間洪楊入寇境內騷然官軍守城  
糧絕芸輸粟助餉制軍和賞給五品軍功同治癸亥

南陵縣志

卷二十六

人物

三十四

八月十五日被執不屈死

戴經魁五品軍功同治甲子投効充當營卒克復金  
陵受礮傷而死

朱潮榮同治三年被擄不降賊殺之

劉宏夢字洪發同治丙寅隨團練使黃軍禦賊有功  
保獎千總銜並賞戴藍翎嗣以擊賊眾寡不敵陣亡  
方敦明性剛毅粵匪入境禦敵被執誓死不降賊殺  
之至死罵不絕口

以上新增

南陵縣志卷二十六終

